



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viator Christianvs Recta Ac Regia in coelum Via tendens

Soliloquium Animæ. Vallis Liliorum. De Tribus Tabernaculis. Gemitus & suspiria animæ pœnitentis, seu de Vera Compunctione Cordis. Cohortatio ad Spiritualem profectum

Thomas <von Kempen>

Coloniae Agrippinae, 1682

XXVII. De laude Sanctorum Angelorum.

[urn:nbn:de:hbz:466:1-53320](https://nbn-resolving.org/urn:nbn:de:hbz:466:1-53320)

O quando omnia sciam, quæ
credo in Scripturis sanctis, & le-
go in libris variis; & audio auri-
bus meis à lectoribus in multis
locis, de Deo meo, de Angelis,
& omnibus Angelorum choris;
de gloria & beatitudine cœlestis
patriæ, de pace & ineffabili gau-
dio civium supernorum?

O quando ibi ero? Quando
veniam & apparebo in conspectu
tuo, & contemplabor lætam fa-
ciem tuam, & gloriam regni tui,
cum Cherubim & Seraphim &
omnibus Sanctis?

Sed nondum venit hora illa,
clausa est adhuc ante me cœli
porta; ideo gemo corde, ore,
quamdiu hic fuero, donec ve-
niam ad te Deus meus.

CAP. XXVII. *De laude Sancto-
rum Angelorum in cœlo.*

IN conspectu Angelorum psal- *Psalm. 137.*
lam tibi.

O Rex altissime, Deus summe
laudabilis, creator omnium re-
rum, Angelorum & Hominum;
quamdiu morabor in terra, &

elongabor à te, & ab omnibus sanctis Angelis tuis in cœlis?

Tædium
vitæ præ-
sentis.
Sap. 16.

Heu me pauperem & infelicem, quamdiu manducabo cum hominibus panem terrenum, panem laboris & doloris; & privabor pane Angelorum, continente omnis saporis suavitatem?

Ex desi-
derio
laudandi
Deum
una cum
Angelis,

Apoc. 14.

2. O Domine, quando audiam vocem laudis tuæ, ex ore Angelorum tuorum in cœlo; sicut beatus Joannes Apostolus relatigatum in exilium, audivit vocem multorum Angelorum psallentium in unum: *Sanctus, Sanctus, Sanctus.*

O utinam essem unus cum ipsis, & talem vocem haberem. Quàm libenter vellem te laudare cum eis, & super omnia altissima cœli cantica cantare, & magnificare nomen sanctum tuum in æternum.

Qui perfectissime
cum laudant.

O Cherubim & Seraphim, quàm dulciter, quàm pulchriter, quàm ferventer & excellenter cantatis & jubilatis Deo sine omni tædio, sine fatigatione, sine cessatione in æterna felicitate!

Compara-
tione

3. Ideo omnis vox humana est

mi

mihi rauca, omnis cantus dissonus; omnis psalmus aridus; omnis musica gravis; omnis cithara turda; omne organum mutum, omnis lætitia, grandis tristitia, omnis ludus ululatus; omnis cibus & potus, insipidus; omnis caro, scenum; omne vinum, fel & acetum; omne mel venenum; omne jucundum, asperum, omnis decor foetor; omnis ornatus, stercus; omnis honor & gloria, vanitas & fumus; omne pretiosum & nobile, vile & deforme; imo omnia nulla, comparatione æternæ vitæ, æternæ gloriæ, æternæ lætitiæ, in conspectu Dei & Angelorum; qui altissime collaudant sanctam & gloriosam Trinitatem, die ac nocte sine fine.

4. Sed quia ad illa sublimia cœlorum cantica ascendere nequeo, nec plene ea comprehendere sufficio; ideo me ipsum plango, & valde despicio, & coram Deo & omnibus hominibus flecto genua mea, & humiliter veniam peto.

Nam opera mea vere nulla sunt, sine gratia & misericordia

Si s

tua

æternæ
laudis &
gloriæ omnia
præsentia
sordent.

Opera
nostra
inania sūt

tua Domine ; quam maxime ostendis super omnem creaturam tuam, sine numero & mensura.

Rom. 12.

Dei vero
inscrutabilia.

O altitudo divitiarum sapientiae & scientiae Dei, quam profunda sunt iudicia tua, & vera à seculo usque in finem seculorum, super bonos & malos, super gratos & ingratos, super pios & impios; ita ut nemo possit plene investigare opera tua. nec debeat juste conqueri in aliquo facto improviso. Benedictus, ergo semper Deus meus.

CAP. XXVIII *Oratio devoti
amatoris & laudatoris
Dei.*

Psal. 140

Dirigatur Domine oratio mea, sicut incensum, in conspectu tuo.

Cupio Domine Deus meus cum omnibus Sanctis tuis, & creaturis, in omni loco & tempore, devote te laudare, benedicere & praedicare, & puro corde semper amare; & super omnia opera tua, nomen sanctum tuum magnificare & exaltare in perpetuum; quoniam